

En Mondoñedo, 28 de agosto de 2012. O Alcalde. Asdo.: M Orlando González Cruz..

R.3732

## PORATOMARÍN

### *Anuncio*

#### **INFORMACIÓN PÚBLICA**

#### **APROBACION DEFINITIVA DA ORDENANZA MUNICIPAL REGULADORA DA CORTA E SACA DE MADEIRA NO MUNICIPIO DE PORTOMARIN.**

O Pleno da Corporación, na sesión extraordinaria celebrada o día 10 de agosto de 2012, acorda aprobar expresamente, con carácter definitivo, a redacción inicial da

#### **“ORDENANZA MUNICIPAL REGULADORA DA CORTA E SACA DE MADEIRA NO MUNICIPIO DE PORTOMARIN”**

Unha vez resoltas as reclamacións presentadas, o que se fai público para o seu xeral coñecemento e en cumprimento do disposto no artigo 70 da Lei 7/1985, reguladora das bases de réxime local, modificada pola Lei 39/1994 de 30 de decembro.

#### **5º-PROPOSTA ALCALDIA R/ A RESOLUCION DAS ALEGACIONS PRESENTADAS A ORDENANZA MUNICIPAL REGULADORA DA CORTA E SACA DE MADEIRA NO MUNICIPIO E APROBACION DEFINITIVA.**

Vista a proposta de Presidencia de data 06-08-2012, que literalmente di:

#### **“PROPOSTA DE RESOLUCIÓN DAS ALEGACIÓNES PRESENTADAS Á ORDENANZA MUNICIPAL REGULADORA DA CORTA E SACA DE MADEIRA NO MUNICIPIO DE PORTOMARIN E APROBACIÓN DEFINITIVA .**

O pleno municipal o 29 de marzo de 2012 aprobou inicialmente a Ordenanza Municipal de corta e saca de madeira.

Iniciase prazo de exposición pública coa súa publicación no Boletín Oficial da Provincia de Lugo de 12 de maio de 2012 (BOP núm.109).

Durante o prazo de exposición pública, que finalizou o día 18 de junio de 2012, preséntase un escrito de alegacións subscrito pola Confederación Galega de Empresarios da Madeira, no cal solicitan a anulación da Ordenanza Municipal de corta e saca de madeira por considerar que o Concello non ten competencia para ditar a Ordenanza Municipal reguladora e por infracción do principio de igualdade

Á vista das alegacións formuladas pola Confederación Galega de Empresarios da Madeira, cabe sinalar

1º. O artigo 25.2.d) da Lei 7/1985, reguladora das bases de réxime local, establece como competencia propia dos concellos a “conservación de camiños e vías rurais”, e este é o título competencial en base ao cal que se aproba a Ordenanza Municipal de corta e saca de madeira, tal e como se puxo xa de manifesto no momento da súa aprobación inicial.

A referida ordenanza municipal, non regula, nin pretende facelo, os aproveitamentos forestais, os cales, efectivamente son competencia estatal e autonómica, e se regularán pola correspondente normativa estatal e autonómica.

O Concello aproba a Ordenanza Municipal de corta e saca de madeira co fin de garantir a conservación dos camiños e vías rurais, xa que están comprobados os importantes danos que as actividades de corta e saca de madeira causan nos camiños e vías rurais.

2º. En canto a infracción do principio de igualdade e legalidade que alega Confederación Galega de Empresarios da Madeira, tal e como sinala o propio interesado, o Tribunal Constitucional en distintas sentencias ven recoñecendo que non toda desigualdade de trato supón unha infracción do artigo 14 da Constitución sempre que teña unha xustificación obxectiva e razonable, e neste caso a actividade de corta e saca de madeira é substancialmente diferente a outras como poden ser o desenvolvemento de actividade agrícola ou gandería que expresamente se mencionan na alegación. A actividade de saca e corta é unha actividade puntual e concreta, pero que supón, non obstante, unha maior intensidade de uso nas vías e camiños rurais que a de outro tipo de actividades.

Por outra parte o Tribunal Constitucional na mesma sentenza mencionada polo interesado (STC 76/1990, de 26 de abril) engade que para que a diferenciación resulte constitucionalmente lícita “é indispensable ademais que as consecuencias xurídicas que resultan de tal distinción sexan adecuadas e proporcionadas a dito fin”.

Neste caso, o Concello, coa ordenanza municipal, limitase a esixir que as empresas que se dediquen ás devanditas actividades fagan unha comunicación previa das actividades que van desenvolver no termo municipal co fin de controlar e preservar a integridade dos camiños e vías rurais polas que se vaian a realizar. Tal obriga non se pode considerar desproporcionada e en ningún caso especialmente gravosa ou desmedida, este tipo de actividade realizase nun lugar determinado e cunha duración máis ou menos concreta, polo que só supón comunicalo con anterioridade ao Concello.

En resumo, as obrigas que prevé a ordenanza van dirixidas a protección dos camiños e vías públicas municipais, que sí son competencia municipal, e para nada inciden no derecho de exercer a actividade de corta e saca de madeira nin supoñen como se di na alegación unha limitación no seu exercicio.

Sometido o asunto a votación. A Corporación por maioria, **ACORDA**:

**PRIMEIRO.** Desestimar as alegacións presentadas pola Confederación Galega de Empresarios da Madeira, por entender que carecen de fundamento legal xa que o título competencial en base ao que o concello regula esta materia é a “conservación de camiños e vías rurais” prevista no artigo 25 da Lei 7/1985, de 2 de abril, reguladora das bases de réxime local.

**SEGUNDO.** Tendo en conta que non existen máis alegacións presentadas dentro do prazo sinalado para tal efecto, considerar aprobado de forma definitiva o acordo inicialmente aprobado na sesión de 29-marzo-2012 e proceder á publicación íntegra do texto da Ordenanza no Boletín Oficial da Provincia de Lugo para a súa entrada en vigor de conformidade co disposto no artigo 70.2 da Lei 7/1985, de 2 de abril, reguladora das bases de réxime local.”

#### **Artigo 1º. Obxecto da normativa.**

Constitúe o obxecto desta ordenanza o establecemento dunha regulación no municipio de Portomarín das cortas e sacas de madeira que faga compatible a liberdade de empresa e o desenvolvemento e explotación do sector forestal, coa preservación do medio natural, a conservación dos camiños e pistas municipais e a seguridade viaria.

#### **Artigo 2º. Concepto de corta e saca de madeira.**

Por corta e saca de madeira deberá entenderse, para os efectos desta ordenanza, a totalidade das operacións que se desenvolvan dentro do municipio de Portomarín que teñan por obxecto a obtención e transporte de madeira de tala, incluíndo tanto as operacións previas ou preparatorias á corta (desprazamento de vehículos e maquinaria, construcción de rampas ou accesos as fincas, preparación do terreo, etc.) como as posteriores (preparación e depósito da madeira, carga e transporte, preparación, almacén e xestión dos restos da corta).

**Artigo 3º. Requisitos para as operacións de corta e saca de madeira.**

Sen prexuízo da necesaria obtención, con carácter previo dos permisos ou autorizacións que, conforme á normativa vixente, sexan necesarios para cortar plantacións forestais dentro do municipio de Portomarín cun peso estimado superior a 8 toneladas métricas, será obligatorio presentar nas oficinas municipais unha comunicación por escrito cunha antelación mínima de tres días.

O escrito de comunicación previa será asinado polo madeireiro, debendo constar nel os seguintes datos:

1.- Datos de identificación do propietario forestal e do madeireiro:

- Persoa física: nome, apelidos, número do DNI ou NIF, endereço e teléfono.
- Sociedade ou persoa xurídica: endereço, CIF, nome e apelidos da persoa encargada ou responsable da empresa e teléfono.

2.- Especie de madeira obxecto da corta. Toneladas métricas de madeira que se prevén extraer.

3.- Nome da finca ou monte afectado, lugar e parroquia onde se sitúa. Identificación en plano catastral.

4.- Datas previstas de inicio e remate dos traballos.

5.- Vehículos e maquinaria a empregar nas operacións de corta e saca.

6.- Lugar onde se depositará á espera da súa carga a madeira.

7.- Vías a empregar e data prevista para o transporte da madeira.

8.- Sistema previsto para a limpeza das vías públicas afectadas polas operacións de corta e saca de madeira.

9.- De ser o caso, fotocopia compulsada do permiso, autorización ou licenza de corta expedido pola autoridade competente.

10.- Fotocopia compulsada do seguro de responsabilidade civil ou calquera outro similar do madeireiro que cubra os eventuais danos e prexúizos que podan causarse con ocasión da corta e saca da madeira, así como do último recibo pagado, acreditativo de que o dito seguro está vixente no momento de realizarse as ditas operacións. No suposto de que o madeireiro non sexa beneficiario de ningún seguro destas características, deberá facelo constar así expresamente, no escrito de comunicación que presente e prestar fianza en metálico ou aval bancario na forma e contía establecida no artigo 5º.

O Concello de Portomarín terá a disposición dos interesados un modelo normalizado do escrito de comunicación previa. (Anexo I da presente ordenanza)

O Concello de Portomarín requirirá ao madeireiro ou ao propietario do monte ou predio forestal a presentación dun escrito de posta en coñecemento cando comprobe que o madeireiro non cumpliu coa súa obriga de presentar nas oficinas municipais o de comunicación previa. O contido deste escrito de posta en coñecemento será o mesmo que o de comunicación previa.

**Artigo 4º.Obrigas nas operacións de corta e saca de madeira.**

O madeireiro está obrigado á limpeza e retirada dos residuos da corta da madeira de xeito que as pistas, camiños ou espazos públicos queden en todo momento no mesmo estado de limpeza e conservación que tiñan antes de levarse a cabo as operacións de corta e saca de madeira. Esta obriga de limpeza deberá cumplirse todos os días ao final da xornada.

Así mesmo estará obrigado a sinalizar as vías situadas nas zonas de extracción e depósito da madeira conforme ao establecido na normativa vixente en materia de tráfico, circulación e seguridade viaria.

Prohibese terminantemente usar as vías públicas para almacén ou depósito da madeira.

O madeireiro ou propietario forestal deberán derrubar e repor ao seu estado anterior as ramplas abertas para facilitar o acceso á finca ou ao monte, co obxecto de que, cando chova, a auga e a terra arrastrada non inunde e cause danos nas pistas ou camiños municipais.

De acordo coa normativa vixente en materia urbanística, queda prohibido efectuar desprazamentos de terra que polas súas características deben ser considerados como movementos de terra.

#### **Artigo 5º. Responsabilidade.**

O madeireiro será responsable directamente de todos os danos e prexuízos a persoas e bens que se produzan ou ocasionen con motivo da corta, depósito e transporte de madeira, debendo reparar o dano causado. O Concello de Portomarín velará especialmente para que as ditas operacións de corta e saca de madeira non ocasionen danos nas vías públicas municipais e estas queden en adecuado estado de limpeza e seguridade.

A obriga da que se fai referencia no número 1 deste artigo será esixible non só polos actos ou comisións propios, senón tamén polos cometidos por calquera persoa que, sen ser empregada ou traballadora do madeireiro, interveña nas operacións de corta e saca da madeira por conta, consentimento ou coa aquiescencia do madeireiro, e, en xeral, polos cometidos por aquelas persoas de quen deba responder.

No suposto de que non sexa titular ou beneficiario de ningún seguro de responsabilidade civil ou similar que garanta a reparación dos danos ou prexuízos que poda ocasionar con motivo das operacións de corta e saca de madeira, o madeireiro deberá constituír fianza en metálico ou aval bancario a prol do Concello na contía fixada polos servizos técnicos municipais, tendo en conta as características do que se pretende (peso da madeira a extraer, vehículos e maquinaria que se pretende utilizar, estado e grao de conservación da vía afectada, etc.) Esta garantía será devolta polo Concello unha vez rematadas as operacións de corta e saca de madeira, a petición do madeireiro e previo informe favorable dos devanditos servizos técnicos municipais.

#### **Artigo 6º. Infraccións.**

As infraccións a esta ordenanza cualifícanse en moi graves, graves e leves.

Constitúen infraccións moi graves:

- a) Non presentar o escrito de posta en coñecemento, unha vez requirido para iso polo Concello.
- b) Deixar as vías municipais nun moi deficiente estado de sucidade, ocasionando unha situación de risco para a seguridade viaria.
- c) Causar danos nas pistas municipais por valor superior a 6.000 euros.

d) A comisión polo madeireiro de dúas faltas graves que sexan firmes na vía administrativa sen que transcorra máis dun ano.

Son infraccións graves:

a) Non presentar o escrito de comunicación previa. Deixar as vías municipais en deficiente estado de sucidade.

b) Causar danos nas pistas municipais por valor inferior a 6.000 euros.

c) Non demoler ou non repor ó seu estado orixinal as ramplas ou accesos que se abriron para acceso ás fincas.

d) A comisión polo madeireiro de dúas faltas leves que sexan firmes na vía administrativa sen que transcorra máis dun ano.

Consideraranse infraccións leves calquera outro incumprimento desta ordenanza que non estea cualificado como moi grave ou grave e cuxa sanción corresponda ao Concello

#### **Artigo 7º. Sancións.**

As infraccións desta ordenanza serán sancionadas coas seguintes multas:

Infraccións leves: Multa de ata 300,00 euros.

Infraccións graves: Multa de contía comprendida entra 301,00 euros e 1.500,00 euros.

Infraccións moi graves: Multa de contía comprendida entre 1.501,00 euros e 3.000,00 euros.

O importe das multas será graduado tendo en conta as circunstancias concorrentes e de acordo co establecido na normativa vixente.

O pagamento das multas poderase esixir pola vía administrativa de constrinximento, sen prexuízo da existencia, se fose o caso, das correspondentes responsabilidades civís e penais.

As sancións serán independentes da reparación do dano causado e da indemnización de danos e prexuízos a que houbera lugar.

As sancións impóranse previa incoación e instrución do correspondente expediente sancionador con audiencia ao interesado.

A resolución do expediente sancionador corresponderá a Xunta de Goberno Local, cando se trate de faltas moi graves ou graves, e á Alcaldía cando se trate de faltas leves.

#### **Artigo 8º.- Requerimentos.**

Advertido o incumprimento da presente ordenanza, e de forma paralela á apertura do expediente sancionador, requirirase ao responsable da infracción para que se axuste á normativa e, de ser o caso, repare os danos e prexuízos causados, outorgándolle para isto un prazo prudencial fixado polos servizos técnicos municipais, que, en calquera caso non poderá exceder dun mes.

Transcorrido este prazo sen que se dea cumprimento ao requerimento, procederase, sen necesidade de novas notificacións, á súa execución subsidiaria cargándolle os custos desta á persoa responsable.

#### **Disposición derogatoria.**

Quedan derogadas cantas disposicións municipais de igual ou inferior rango se opoñan ao que se establece nesta Ordenanza.

#### **Disposición final.**

A presente ordenanza entrará en vigor unha vez publicada no Boletín Oficial da Provincia de Lugo e transcorra o prazo de 15 días hábiles previsto no artigo 65.2 da Lei 7/1985, do 2 de abril, Reguladora das bases de réxime local, permanecendo vixente ata que se acorde a súa modificación ou derogación expresa.

Portomarín a, 27-agosto-2012. O Alcalde, Asdo. Juan Carlos Serrano López

R.3689

---

#### **QUIROGA**

##### *Anuncio*

Rendida a Conta Xeral do orzamento deste Concello correspondente ao exercicio 2011, e informada pola Comisión Especial de Contas, expõe ó público cos documentos que a xustifican e o informe da mencionada comisión, na Secretaría do Concello, durante o prazo de quince días hábiles, contados a partir do seguinte ó da inserción do presente edicto no Boletín Oficial da Provincia de Lugo, ao obxecto de que, durante dito prazo de exposición e os oito días seguintes, os interesados poidan examinala e formular por escrito as reclamacións, reparos ou observacións que estimen pertinentes, de conformidade co disposto nos artigos 116 da Lei 7/1985, do 2 de abril, reguladora das bases do réxime local e artigo 212.3 do Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas locais.

Quiroga, 31 de agosto de 2012. A CONCELLEIRA DELEGADA, -Rosa María Arza Rodríguez-

R.3748

---

#### **RÁBADE**

##### *Anuncio*

Padrón Tributario da taxa pola prestación do servizo de augas, sumidoiro e lixo do 4º bimestre do exercicio 2012.

Por Decreto da Alcaldía de data 22 de agosto do 2012, aprobouse o Padrón Tributario da taxa pola prestación do servizo de augas, sumidoiro e lixo, correspondente o cuarto bimestre do exercizo 2012, cuxo importe total ascende a cantidad de "64.686,73" euros (sesenta e catro mil seiscentsas ointenta e seis con setenta e tres euros), así como a apertura dun período de información pública por prazo de un mes a partir da publicación do presente edicto no B.O.P. durante o cal todos os interesados poderán consultar o seu contido na Secretaría do Concello e presentar as alegacións que estimen oportunas. Queda aberto o prazo de cobro en período voluntario dende o día 1 ó 30 de setembro do 2012.

Contra o acto de aprobación do padrón e das liquidacións incorporadas a éste, poderase formular recurso de reposición ante esta Alcaldía, no prazo de un mes contado dende o día seguinte ao de finalización do período de exposición ao público do padrón de contribuíntes ou ben recurso contencioso-administrativo ante o Xulgado do Contencioso-Administrativo de Lugo, sen que poidan interpoñerse ambos simultáneamente.

Transcorrido o período de pago en voluntaria as débedas serán esixidas polo procedemento de constrinximento co correspondente recargo de mora e costas que se produzan, no seu caso.